



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XVI. Acta in causa translationis, quæ cum Cæsare egerit  
Ardinghellus. Prosper Sanctacrusius missus in Galliam Nuntius.

**urn:nbn:de:hbz:466:1-11665**

## C A P V T XVI.

*Acta in causa translationis, quæ cum Cæsare egerit Ardinghellus.*

*Prosp̄er Sanctacrucius missus in Galliam Nuntius.*

**I**Ta differebant Patres Bononienses, à Synodo Romam delegati, quos Pontifex in Senatu<sup>a</sup> audiuit ore Archiepiscopi Materani, utpote dignitate præcipui, loquentes. Promotor verò Seuerolus legitima translationis Acta Pontifici dederat. Hi quidem benigno responso accepto, spe ac laude mixto, agere iussi cum Cardinalibus, quibus id negotij datum fuerat. Legati verò<sup>b</sup> vetiti sunt interesse vel iis Patrum congressibus, qui Synodi functionem redolerent; adeoque priuatim ab ipsis audiebantur, absque consueta Episcoporum assistentium frequentia, minores Theologi, quibus consilij non iudicij ferendi ius erat. Nec ita multò pōst reuersus est Julianus Ardinghellus è Germania, <sup>c</sup>quò missus à Pontifice fuerat, vt simul ea de re, simul de Placentiæ restitutione ageret. De hoc postremo bonam spem retulit; libenter scilicet auditum iri, si quem Pontifex ad Cæsarem mitteret, qui cum eo conueniret de vrbe vel restituenda (adieictis tamen quibusdam cautionibus) vel compensanda. Quod spectabat ad alterum, nuntiavit, Cæsarem id temporis de Patrum reuersione Tridentum taciturn, dummodò neque pariter Bononiae Synodus progrederetur, & Romæ translationis iudicio Pontifex supersederet; interim verò in Germaniam Legati mitterentur cum amplissima facultate, quam tredecim capitibus Cæsar explicauerat, vt hæreticos conciliarent, nationique satisfacerent. Quod vbi conficeretur, Concilio non amplius opus fore, ad-eoque omnem de loco disputationem desitaram. De huiuscemodi postulato Legatorum sententia hæc fuit.

<sup>a</sup> 22. Martij,  
vt in Diario  
26. & 29.

<sup>b</sup> Ex Diario,  
26. Martij.

<sup>c</sup> Ex Diario,  
29. Martij,  
& ex man-  
datis acceptis  
à Sanctacru-  
cio, 28. Apri-  
lis.

<sup>d</sup> Ex Diario,  
28. Martij, &  
14. Aprilis.

<sup>4</sup> Cæsari negari non posse id, quod Pontifex in responce Men-  
doza redditæ solemniter promiserat; tamen nonnisi unicum mit-  
tendum Legatum, cùm omnis æqualitas æmulationis contentionis-  
qué sit ferax: Sfondratum ipsum posse designari, qui illic aderat,  
illarum rerum ingeniorumque peritum; duo illi Præsules consilia-  
rij adderentur. Primo loco proponebatur Hieronymus Verallus  
Archiepiscopus Rossanensis, qui annos plurimos ibi Nuntium ege-  
rat: secundo Pighinus, qui in Concilio præclarè se gesserat. Quod  
spectabat ad facultates, singula capita sunt expensa cùm à Legatis  
Bononiensibus, tum à Cardinalium cœtu, quem Pontifex ad hæc  
discutienda Romæ constituerat, adieicto præstantium Theologo-

X 3 rum

1548.

rum consilio. Quid in singulis illi perpenderint, notitiam afferret, lectori tædio potius quām emolumento futuram; cūm parum profit, minusque delectet prolixa earum rerum lectio, quarum modicus postmodum fuit effectus. Hoc vnum commune prudensque consilium haud reticuero: Legato facultates pro ipsius arbitratu libere haud committendas, ne, quando cuicunque petenti negaret iis velle, aut malevolus aut austerus videretur; sed eius prudentia conscientiaeque iniungendum, ut eas tunc exerceret, cūm id opportunum fore intelligeret.

*e* Ex Diario,  
19. Aprilis  
1548.

f 18. I. prilis  
1548.

*g* Litteræ  
Sanctacrucij  
ad Maffeiū  
Bononiā,  
4. Maij  
1548.

Iam Pontifex hanc legationem deceraere habebat in animo; cūm e reclamantes Gallici Regis ministri, nonnullos ex Purpuratis Patribus, ad deliberandum de hoc negotio selectis, in suam sententiam traxerunt; significaruntque Pontifici, per eam artem aspirare Cæsarem ad plenum Germaniæ dominatum, ut poste ad opprimendos Galliæ Regem ac Principes Italicos vires conuerteret: huic consilij manifestum argumentum esse Placentiam ab eo recens occupatam: si ergo in iis quæ postulabat, illi satisficeret, vinculum non concordiæ, sed seruitutis Christiana Reipublicæ contextum iri. Non tamen existimauit Pontifex, per hæc politicæ prudentiæ scita, satis se subtractum oneri procurandæ omni studio animarum salutis. Ad Regem Romanorum nouum Nuntium delegit Prosperrum Sanctacrucium Episcopum Chysamensem, Romanique Rotæ duodecimuirum, eoque tradidit ( si Commentario credimus, eius Vitæ summam continent, qui ab eodem scriptus fuit, sed non absolutus, quique in meas manus deuenit) occulta quædam manda ta, ut nimirum ageret in itinere cum Guillelmo Bauariæ Duce, qui non minùs quām Paulus arbitrabatur male sibi repensas fuisse suppetias Cæsari subministratas, cupiebatque sibi socios asciscere potentiam ac dignitate pollentes ad eius amplitudinem deprimendam, quam & potestate nimiam, & reapse immoderatam putabat. Verum hoc semen à Nuntio iactum, in tenebris arcani profundi, & sub terra sine germine delitescens, ob celerem Pauli mortem numquam in lucem prodit. Quod de illius Nuntij missione constat, solum est, varia illi data fuisse documenta ad reconciliandos Bohemos hereticos, agendumque cum Cæsare de responsionibus ab Ardinghelo delatis; sed commissum pariter illi fuisse, ut Bononiâ transiret, nec solùm habita mandata Legatis & aperiret, verum etiam, vbi opus foret, ea de ipsorum contilio reformaret: quod ita planè accidit. Etenim cūm is iuberetur Cæsari significare, in iudicio de translatione nihil esse supersedendum, ut ex Cæsaris voto senten-

sententia protraheretur: quoniam tametsi in eo pergerent, ipsa tamen causa grauitas diuturnitatem postulasset; animaduertebant Legati, per ea fateri Pontificem, rem esse arduam & ambiguam, atque inde colore excusationemque aduersariis praeberti. Vbi vero eidem mandabatur, ut affirmaret Cæsari, in eius gratiam Pontificem lentiū acturum in continuanda Bononiæ Synodo; aduertebant Legati, quemadmodum sibi persuadet Princeps, potiri se priuilegio cunctas voces dubias in rem suam interpretandi; ita homini cum eo loquenti diserte promendum id quod præstare intendit, cum ea significationis subtractione, ut etiamsi dictis suis omne accedat incrementum, cuius sit capax interpretationis amplitudo, non tamen suprà quam intenderat, obligationem contrahat. Quod Nuntius Pontificis nomine deferebat, aiebant illi, non tamquam propensionem animi arbitrariam acceptum iri, sed tamquam promissionem irreuocabilem; neque tamquam paucarum hebdomadum, sed tamquam multorum mensum cunctationem: consultius dici posse: Optare Pontificem Cæsari satisfieri; verum vnde se coarctari, cum Præfules, Galli præcipue, rei confectionem urgerent, ante oculos ipsi positis suarum Ecclesiarum ex Episcoporum absentia detrimentis. Denique de Legatis in Germaniam mittendis iubebatur Nuntius respondere, quod celerius voto Cæsaris obsecundaretur, Præfules missurum Pontificem: quod iam nunc præstisset, nisi tam multa, quæ à Cæsare in eorum facultatibus petebantur, consilium deliberationemque longiorem requirent. Iam vero quoniam ea legatio à Madruccio ardenter expetebatur, illius cupiditate ab eodem cohonestatè non tamquam ab ambitione, sed à studio Religionis profecta, cum affirmaret se, quippe Germanum Principem, gratiorem, adeoque potentiori apud suam nationem futurum; datum fuerat negotium Nuntio, ut lento pabulo spem nutritet, insinuando, posse id perfici, vbi Sfondratus discederet, & res Germaniæ felicem proprius exitum portenderent: in praesentia retineri Pontificem, quod minus ipsum delegaret, ab increbrente fama, quod is destinaretur à Cæsare in Hispaniam, ut eius filiam in Germaniam deduceret, vna cum Archiduce Maximiliano, fratri Romanorum Regis primo filio, cui fuerat desponsa. Etenim Paulus nec volebat præcidere Madruccio hanc spem, quæ arctissimo aliorum animos innecet vinculo; nec in opus eam deducere, ne tam suspecta negotia ministro committeret Cæsariano magis quam suo. Sed hac in re placebat quidem Legatis Bononiensibus id quod intendebatur; ea vero per quæ id ipsum quarebatur, minime

1548. nimè placebant: illa siquidem quasi sub conditione promissio poterat in absolutam resoluti, vbi Sfondrati reditus accidisset, & reconciliationis tractatio incaluisset: obtentam speciem itineris Hispanici auferri posse per tabellarium, qui Madruccium iturum negaret: huiusmodi lac à fallaci spe propinatum, quandoque acrius acescere in stomacho magnorum virorum vbi deludantur, perinde ac fortassis euenerat in diuortio Regis Britanni. Cautius sibi vide ri, si nullo ea de re verbis Pontificis responso reddito, solum significaretur Madruccio Farneſij Cardinalis nomine; Cūm adhuc de re ipsa deliberandum esset, ad conditionem designandi Legati descendī non posse, induceret utique in animum, dum Farnēſius Romæ degeret, sedulum illi Procuratorem minimè defuturum. Nec indignum relatu fuerit, Nuntium, ob huius postremi capitis mutationem, nouum exemplar à Pontifice petuisse, ne si forte necesse foret vetus producere, restrictiora videretur afferre cum suo suique negotijs detrimento, quām quæ tradito sibi scripto continebantur. Semper quippe homines auersantur eiusmodi administrum, qui quantum sibi per Principem licet, ipsis conferre detrectat, instar vitiosi canalis, in quo pars aquæ à fonte sibi commissæ desperdatur.

## CAPVT XVII.

*Ceruinus iterum à Pontifice accitus. Gallie Regis conatus.  
Libellus appellatus Interim, à Cæſare in Comitiis  
discussus, & promulgatus.*

a Est in Dia-  
rio, 21. Maij  
1548.

b 15. Maij  
1548.

c Vide Bzo-  
rium, an-  
no 1548.  
num. 5. &  
seq.

**H** Is tamen mandatis occlusum aditum Legatus sensit, cūm in primo ad Carolum accessu mutata omnia nactus est; <sup>a</sup> nimirum in Comitiis Augustanis promulgatum à Cæſare <sup>b</sup> libellum, qui hominum ora mentesque replete, *Interim* nuncupatus; propterea quod in eo præscribebatur quidquid interim vique ad futuri Concilij Decreta credendum esset. Continebat hic libellus præcipua capita, quæ per recentes controversias agitantur, viginti sex articulis digesta. Quis illius fuerit auctor, incertum est: sed ipsum Cæſari obtulerunt nonnulli <sup>c</sup> Principes, qui vel nimia pacis cupiditate hallucinati, vel quætionum ad Religionem spectantium imperiti, spem cum eodem Cæſare conceperant, fore ut in una eademque doctrina possent hæretici cum Catholicis concordare. Illum Cæſar recognoscendum dederat tribus viris sacrarum Litterarum scientijs insignibus, Iulio Flugio, cui paulò ante Nauburgensem Ecclesiam à Lutheranis occupatam restituerat, Mi- chaëli